

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 27. Zakona o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“, broj: 15/05), Uputstva o načinu i procedurama odabira korisnika projekata povratka i rekonstrukcije stambenih jedinica („Službeni glasnik BiH“, broj: 48/06), Federalno ministarstvo raseljenih osoba i izbjeglica objavljuje

JAVNI POZIV

izbjeglicama iz Bosne i Hercegovine, raseljenim licima i povratnicima u Bosni i Hercegovini za obnovu i rekonstrukciju stambenih jedinica za period 2024. i 2025. godine

I

Predmet javnog poziva

Sufinansiranje i finansiranje obnove i rekonstrukcije stambenih jedinica izbjeglica, raseljenih lica i povratnika na području Bosne i Hercegovine kroz dodjelu građevinskog materijala, finansijskih sredstava za ugradnju građevinskog materijala i po principu „ključ u ruke“.

II

Cilj javnog poziva

Osiguranje uslova za održivi povratak kroz obnovu i rekonstrukciju stambenih objekata izbjeglica, raseljenih osoba i povratnika.

III

Pravo učešća

A) Pravo učešća na javnom pozivu imaju fizička lica koja ispunjavaju slijedeće opće kriterije:

Opći kriteriji za utvrđivanje potencijalnih korisnika prava pomoći u rekonstrukciji stambenih jedinica su:

1. da je izbjeglica iz Bosne i Hercegovine, raseljeno lice u Bosni i Hercegovini, ili povratnik;
2. da je iskazao namjeru za povratkom;
3. da je utvrđen status vlasništva ili stanarsko pravo nad stambenom jedinicom koja je predmet rekonstrukcije;
4. da je na dan 30.04.1991. godine imao prebivalište u stambenoj jedinici koja je predmet rekonstrukcije;
5. da se stambena jedinica koja je predmet rekonstrukcije smatra neuvjetnom za stanovanje, u skladu sa odgovarajućim standardima o minimumu stambenih uvjeta;
6. da on i članovi njegovog domaćinstva od 1991. godine nemaju na teritoriji Bosne i Hercegovine drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova;

7. da nije primio pomoć u rekonstrukciji dovoljnu da zadovolji odgovarajuće standarde o minimumu stambenih uvjeta.

Aplikant mora ispunjavati sve uslove definisane općim kriterijima kako bi bio uvršten u rang listu potencijalnih korisnika.

B) Posebni kriteriji su:

1. Da aplikant pripada kategoriji manjinskih povratnika u skladu sa Aneksom VII Općeg okvirnog sporazuma za mir u Bosni i Hercegovini – Dejtonski mirovni sporazum (član 1. tačka 3. (d)).
2. Aplikant pripada određenim kategorijama kao što su:
 - a) socijalna kategorija,
 - b) mladi do 38. godina života,
 - c) lica sa invaliditetom,
 - d) samohrani roditelji, staratelji ili hranitelji porodice,
 - e) šehidske porodice/porodice poginulih boraca,
 - f) demobilisani borci i dobitnici ratnih prizanja,
 - g) porodice nestalih lica i
 - h) bivši logoraši.
3. Broj i starosna dob članova domaćinstva aplikanta.

IV

A) Dokumentacija potrebna za dokazivanje općih uslova

A1.) Dokaz o statusu izbjeglice iz Bosne i Hercegovine, raseljenih lica u Bosni i Hercegovini i povratnika

- Dokumenti kojima se dokazuje ispunjavanje općih kriterija da je aplikant izbjeglica iz Bosne i Hercegovine, raseljena lica u Bosni i Hercegovini i povratnik je potvrda nadležnog organa o statusu:

- a) izbjeglica iz Bosne i Hercegovine svoj status dokazuje odgovarajućom potvrdom (izbjeglička legitimacija/karton), uvjerenje o statusu izbjeglice iz Bosne i Hercegovine;
- b) raseljena osoba u Bosne i Hercegovine svoj status dokazuje potvrdom/pravosnažnim rješenjem nadležnog organa općine privremenog boravka o statusu raseljene osobe;
- c) povratnik svoj status dokazuje potvrdom nadležnog organa o statusu povratka i CIPS potvrdom o prijavi prebivališta izdate u mjestu povratka.

A2.) Dokaz o namjeri za povratkom

Izjava aplikanta ovjerena o strane nadležnog organa kojom se dokazuje:

- a) iskazana namjera za povratkom,
- b) da je stambena jedinica koja je predmet rekonstrukcije neuvjetna za stanovanje u skladu sa odgovarajućim standardima o minimumu stambenih uvjeta,
- c) da aplikant i članovi njegovog domaćinstva nemaju na teritoriju BiH drugu stambenu jedinicu koja se smatra uvjetnom za stanovanje, u skladu sa odgovarajućim standardima o minimumu stambenih uvjeta,
- d) da aplikant nije primio pomoć u rekonstrukciji, dovoljnu da zadovolji odgovarajući standard o minimumu stambenih uvjeta.

A3.) Dokaz o vlasništvu/stanarskom pravu

- Dokumenti kojim se dokazuje vlasništvo/stanarsko pravo nad stambenom jedinicom koja je predmet rekonstrukcije su:

- a) ZK (zemljišno-knjižni) izvadak
- b) posjedovni list ne stariji od 6 (šest).

A4.) Dokaz o kretanju

- Uvjerjenjem o kretanju podnositelja zahtjeva za rekonstrukciju, koje izdaje nadležni organ unutarnjih poslova dokazuje se da je korisnik pomoći na dan 30.04.1991. godine imao prebivalište u stambenoj jedinici koja je predmet rekonstrukcije. Potrebno je priložiti original uvjerenja o kretanju ili ovjerenu kopiju. U izuzetnim slučajevima, kada se uvjerenjem o kretanju ne može pouzdano utvrditi prebivalište na dan 30.04.1991. godine, kao dokaz prebivališta pribavlja se izjava dva svjedoka, ovjerena od strane nadležnog organa općine povratka.

B) Dokumentacija potrebna za dokazivanje posebnih uslova

B1.) Dokaz o starosti i o pripadnosti manjinskom povratku

Pripadnost manjinskom povratku i godine starosti se dokazuju ovjerenom kopijom izvoda iz matične knjige rođenih ne starija od 30 dana – rodni list.

B2.) Dokaz o pripadnosti određenim skupinama

B2a) socijalna kategorija se dokazuje relevantnim dokazima i to: posljednji ček od penzije, dokaz o nezaposlenosti (potvrda nadležne službe za zapošljavanje) dokaz da se radi o korisniku socijalnih davanja od nadležnog centra za socijalni rad ili nadležne općinske/gradske službe za socijalnu i dječiju zaštitu, dokaz da se radi o civilnoj žrtvi rata i da ostvaruje/ne ostvaruje prihode po tom osnovu,

B2b) status lica sa invaliditetom dokazuje se rješenjem koje se pribavlja od strane nadležnog organa (ratni vojni invalid, civilna žrtva rata, lica sa urođenim ili stečenim invaliditetom),

B2c) status samohranog roditelja, staratelja ili hranitelja dokazuje se relevantnim dokazom koji se pribavlja od strane nadležnog centra za socijalni rad ili općinskog/gradskog organa uprave,

B2d) status šehidske porodice / porodice poginulih boraca dokazuje se potvrdom koja se pribavlja od strane nadležnog organa,

B2e) status demobilisanog borca i dobitnika ratnih priznanja dokazuje se potvrdom nadležnog organa ili udruženja,

B2f) status srodnika nestale/ih lica dokazuje se potvrdom koja se pribavlja od strane nadležnog organa,

B2g) status bivšeg logoraša dokazuje se potvrdom koja se pribavlja od strane nadležnog organa ili udruženja logoraša.

B3.) Dokaz o brojnosti porodice

Brojnost porodice koje imaju više članova domaćinstva i njihova starosna dob, koji su se prijavili za povratak, dokazuje se **kućnom listom**, ovjerenom od strane nadležnog organa.

Uz ovjerenu kućnu listu korisnik je dužan priložiti **rodne listove za maloljetne članove**, odnosno ovjerenu kopiju **CIPS-ove** potvrde o mjestu boravišta/prebivališta za punoljetne članove porodice.

V

Način izbora korisnika

Izbor potencijalnih projekata po osnovu ovog javnog poziva će vršiti komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa procedurama za izbor potencijalnih korisnika, te u skladu sa odredbama ovog Javnog poziva.

Komisija zadržava pravo provjere tačnosti podataka iz prijave na javni poziv, te u slučaju da utvrdi da podaci nisu tačni će predmetnu prijavu odbaciti kao neurednu.

VI

Objavljivanje rang listi potencijalnih korisnika pomoći

Preliminarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica www.fmroi.gov.ba, a obavijesti o objavi rang listama aplikanta i u dnevnom listu u kojem je objavljen ovaj javni poziv.

VII

Prijave na javni poziv

Prijave na javni poziv sa potrebnom dokumentacijom se dostavljaju na prijavnom obrascu, koji je javno dostupan na internet stranici Ministarstva www.fmroi.gov.ba i u prostorijama Ministarstva na adresi Hamdije Čemerlića broj 2., Sarajevo, lično ili preporučenom poštom na adresu:

Federalno ministarstvo raseljenih osoba i izbjeglica

Hamdije Čemerlića broj 2.

71000 Sarajevo

sa naznakom: Prijava na „Javni poziv izbjeglicama iz Bosne i Hercegovine, raseljenim licima i povratnicima u Bosni i Hercegovini za obnovu i rekonstrukciju stambenih jedinica za period 2024. i 2025. godine“.

Na poleđini koverta obavezno navesti ime podnosioca prijave, tačnu adresu i broj telefona.

Rok za dostavljanje prijava je 30.11.2023. godine.

Dodatne informacije mogu se dobiti na telefona: 033-294-151 ili putem e-maila: kabinet@fmroi.gov.ba

Napomena:

Prijave/molbe/zahtjevi potencijalnih korisnika, koji se nalaze na utvrđenim konačnim rang listama iz 2021. godine, smatrat će se nevažećim, objavljivanjem konačne rang liste po ovom Javnom pozivu.

MINISTAR

Nerin Dizdar

Broj:04-32-4-1636-1/23
Sarajevo, 24.10.2023. godine